

張獻忠部將高 以二百餘人趨連州南贛兵倫副使王
蘭駐廣東韶州兵不滿百使十輩請兵得羸卒七百人復以
他警一夜徹去至是聞之遂自經知州某踰城遁樂昌乳源
仁化自潰韶州士民縋城而逃賊未至後奏賊陷廣東連州
非實也

辛未薛所蘊為司業陳應元為南太僕卿

兵科給事中曾應遴奏孫傳庭處置失宜白廣恩王心西
奔各營隨之為賊所乘或言廣恩與高傑不合掉臂而去則
廣恩可斬也 上方信廣恩不問


張獻忠以千人屯江西袁州北張家口是日張其在自瀏陽
萬載會袁州人俱迎降脅知府霍 冊印不從懷印走

攸縣賊白旆鳴礮入袁州北門左良玉以副提兵吳學禮援
袁州次于新喻明日次分宜

壬申括民間廢銅鑄錢戶部尚書倪元璐奏有司罰贖減半
徵銅如稍有力徵一兩三錢僅輸價直六錢五分


起任濬兵部右侍郎總督河南湖廣軍務兼巡撫河南
癸酉前部左侍郎董應舉卒

午刻西安城陷以守將王某趙某內應也巡撫原武馮師孔




按察使羅山黃綱長安知縣山陰吳從義西安右衛指揮崔爾達俱投井死秦府右長史會稽章世綱自經紳士死者甚衆前巡撫大同三原焦源溥罵賊磔死前山西布政使秦謙威寧陶爾德被殺前懷慶通判威寧竇光儀前儀封知縣長安徐方敬前芮城知縣威寧劉芳聲並拔投井死前巡撫宣府三原焦源清前河南磁州道叅威寧祝萬齡自經萬齡子于宸諸生也亦從死前山東監軍僉事涇陽王徵七日不食死解元南鄭席增光入山不應賊徵死都司吏邱從周罵賊死左布政使平湖陸之祺等俱降搃兵白廣思逃而追降之

李自成據秦王府封秦王存樞權將軍永壽王誼沅制將軍世子妃劉氏曰國破家亡願求一死自成遣歸外家賊分兵下屬縣蒲城知縣朱一統謀守從卒俱散賊脅其降詔以更衣袍印投井死初自成在楚議所向政府侍郎牛金星請先取河北直搗京師禮政府侍郎楊承裕欲先據留京斷漕運兵政府從事顧君恩曰否如先據留京勢若下流雖濟大事其策失之緩直搗京師萬一不勝退無所歸其策失之急不如先取關中為元帥桑梓之邦且秦都百二山河已得天下三分之二建國立業然後旁掠三邊資其兵力攻取山



西後向京師。庶進有可攻，退有可守，方為全策。自成從之，賊好殺掠，牛金星勸以不殺，遂嚴戒其下，自稱奉天倡義文武大元帥。民間安堵，輒相誑惑，人無鬪志。秦藩富甲天下，先是戶部尚書倪元路奏：天下諸藩無如秦，晉山險，用武固也，宜諭兩藩以剿賊，保秦責秦王，以遏賊不入，責晉王，兩王能任殺賊，不妨假以大將之權，如不知兵，宜悉輸所有，與其齎盜何如享軍，賊平之後，益封兩王各一子如親王，亦足以報之矣。兩王獨不鑒十一宗之禍乎？賢王忠而熟于計，必知所處矣。疏上不報。

設遷曰：孫傳庭合十萬之師，兵甲糧芻俱取辦關中，民無餘力，并銳出關，全師覆潰，秦人重足而立，勢不自固，潼關失守，喘息已奪，惜哉！以百二之險，匹夫振臂而隳之，易如拉朽，諸紳民殉難皎然不污，所稱西京重節義，非耶？獨歎國家敦親之誼甚渥，而諸宗多不獲首邱，類淹抑以死，如秦晉號富甲天下，其不自引決將以朝菌之壽，榮寡人乎？馬士英以副搃兵屠師，賢復陳州擒偽州牧，洪翼聖偽判官初安國，汝寧義兵復信陽州擒偽防禦使黃閣，偽知州黃珩閣、江陵貢士翼聖、安國、俱、荊州諸生。



吳學禮以都司蒲秉良三百騎趨袁州

都督同知唐鈺為鎮朔將軍提兵官鎮守宣府

甲戌授進士陳丹衷河南道御史同副提兵成大用往調廣

西土司兵賚土司銀花蟒衣絹

覈南場壬午硃墨先是南榜出宦室子登七十三人物議籍

藉周延儒弟正儒子奕封預馬延儒自言于上特賜二百

金箱輿遂莫敢言

汝南道韓煜合鳳陽兵河南義兵克沈邱初偽令周維新力
守我作木牛藏壯士以泄濠水攻其城邑人懼縛獻維新及

典史司廣學正吳澄壽偽汝寧府學正胡朋德

吳學禮圍袁州偽將邱仰寰拒守我都司高山先登擒斬二

千四百餘人獲馬六百追斬仰寰復袁州時袁州臨江吉安

人多逃山谷官兵淫殺獻俘于是村豪皆屯結山谷拒官兵


巡撫郭都賢檄撤兵回九江招安土著成三郡

丙子 上閱勲臣武臣子弟騎射

丁丑張其在陷吉安府殺把總崔 官兵既撤賊自長沙

突至分巡湖西副使岳虞巒方閱軍于郊俄報賊至皆潰虞

巒微服遁署府通判朱奉繩推官韓日將俱遁吉安知縣沈



中柱永新知縣黃受封署安福通判邵夢柯泰和知縣劉國良諸縣而陷賊分兵設偽官改吉安為親安府廬陵為順民縣張其在檄袁州人先逃賊復入袁州

戊寅 上自用銅錫木器屏金銀命文武諸臣各省約戒官紳黃藍絹蓋士子紅紫衣履庶人錦綉綺紵金玉珠翠衣飾俱論違制

設遷曰 先帝身先儉德減膳卻珍服浣濯之衣而臣民奢習如故終莫之革者以名美而朝夕異令也督撫月易內員歲遣徵租之使不避災旱大本已撥雖屢下尺一特


故紙玩之屋漏在上知之在下諒哉

貢士祝淵削籍下鎮撫司以前疏救劉宗周詰所使也

已卯工科給事中周而淳贈大理右少卿

庚辰項煜方拱乾為少詹事李化熙右僉都御史巡撫四川李自成改西安府曰長安禁鄉民短後衣明年糧每石徵一兩二錢今冬每石折草六千斤輸長安各縣遣驛三百徵粟千石大其斗榜掠巨室助餉渭南工部尚書南居益掠死涇陽前按察副使楊國柱黃冠遁

禁諸生刊稿



辛巳復故提督盧象升官

守脩鳳陽太監谷國珍奏地屢震

癸未故 劉大金贈光祿少卿

提督九江呂大器以五千人援吉安次峽江邑人執知縣以待賊反拒援兵、詔之曰張獻忠至矣邑人出迎獻印及馬

二十五官兵入城斬奸民殆盡

李自成分兵掠鄜延中部知縣朱新選全家自經前漕儲道叅政張國紳居西安自成召見稱殿下語次自成曰予不喜得陝西喜得先生授刑政府侍郎國紳同年文翔鳳其繼妻

鄧氏能詩薦于自成召為後宮內師

張獻忠在長沙益招亡命立九營左良玉合馬進忠之騎進

袁州萍鄉馬士秀以步兵上臨湘岳州楚北撫王揚基巡按

黃澍駐漢陽左良玉以惠登相規復襄陽劉洪起規復南陽


免懷安桐城田租

命各巡鹽御史以辛巳壬午癸未三年附正引配銷仍以癸

未正額配銷壬午正引

甲申左都御史毛士龍罷

乙酉大學士王應熊入朝陛見請老允之賜金幣應熊以周



延儒薦起 上尋悟其非特遣緹騎趣延儒入偵之知延儒
約應熊密語又令其先抵京而身繼之 上怒延儒久延遂
不敢滯應熊至良鄉上章閣臣擬旨有延佇等語 上塗去
之日遣人

張獻忠遣馬 賜以千人下臨湘取米及釜方國安令我旗
營叅將方元科進次蒲圻

鳳陽兵平汝寧土寇略盡淮徐道何騰蛟招降程繼孔蕭礪
俱平會閩中潰鳳泗大震馬士英檄其兵歸屯壽州
丁亥改李化熙巡撫陝西

戊子禁惡錢


朱之臣為南鴻臚卿

禮部尚書林欲楫致仕

兵部尚書馮元颺罷元颺在任文符填謗不能決託疾杜門
上嘗陰託人賄求邊將不納故得善去

己丑給唐鈺三萬金領兵六千馬三百

庚寅兵科都給事中張縉彥為兵部尚書余應桂仍以兵部
右侍郎總督陝西三邊周文光為右僉都御史巡撫四川應
桂聞命飲泣陛辭曰不益兵餉雖去何濟 上默然發帑金



五萬銀花四百銀牌二百蟒紵二百絹四百馬一百給軍蓋
欲應桂聯絡甘固延寧之兵收拾三邊健勇相機撫剿也應
桂趨起河上不進

故摠兵曹變蛟贈太子少保廕錦衣衛指揮僉事

十一月辛卯朔御史霍達監軍陝西

前督師丁啟睿以家兵復新蔡擒偽令聞聖諭

諭臣民助餉立功者錄之


壬辰呂大器兵復吉安府及廬陵吉水

癸巳張獻下忠兵下岳州沿江設伏藏輕舟于汊港浮巨艦

重載順流下副摠兵王世泰楊文富以三千人邀之賊逆流
佯走以誘我兵爭利溯流上盡奪其貨舟重不即行賊輕
舟四出圍之步騎夾岸橫擊殺溺亡美方國安徐懋謙等合
救文富世泰身免喪師二千岳州城空賊疾趨岳州我不及
救又陷武昌大震撫按俱艤舟于江待東下武昌城空左良
玉以前鋒上武昌

摠兵王定副摠兵高傑自渭南敗各奔延安李自成命田斌
守西安自往塞上

甲午高傑聞賊耗率所部凌河而東入山西王定奔榆林




李自成入延安大會群盜馬萬匹旌旗数十里于米脂祭墓
又五百騎按行鳳翔守將誘而殲之自成怒親攻鳳翔屠之
張獻忠命尹先民守茶陵分兵守岳州餘回長沙
丙甲王國寶為都督僉事總兵官鎮守河南
已亥諭左良玉移鎮武昌同撫按王揚基黃澍相機滅賊
詹事李紹賢予告

辛丑巡撫王揚基以長州兵二千左良玉兵一千復黃陂孝
感游擊郝成才守漢州
呂大器以安慶兵上樟樹鎮官兵分道上高萬載趨袁州大

器又招柯氏兵赴南昌降瑞昌德安王盜鄧毛溪携之從軍
從軍素無紀律柯兵射死鄧毛溪其黨千餘仍為盜柯氏兵
亦亡千人

宥科給事中郝綱總兵許定國從余應桂自劾
壬寅李景濂為南司業
試進士館選

承天太監何志孔奉命勞左良玉進少師詹錦衣衛百戶賜
金蟒牛酒吏卒各陞秩賜二千金
高傑至絳州巡撫山西蔡懋德招之共擊賊王老虎破之追



至曲沃王老虎降獲萬人

李自成發金數萬招榆林諸將繼以大兵遣偽權將軍李過率兵七萬攻之時巡撫張鳳翼未至人心洶、總兵王定聞賊至以數十騎出塞聲言借西、分守游擊劉廷傑與榆林兵備副使都任及故總兵王世顯侯世祿侯拱極尤世威副總兵惠顯等斂各堡精銳入鎮城集衆問之曰若等守乎降乎各言効守無二遂推尤世威為長主號令繕兵甲賊說三日不聽賊攻榆林城、上強弓勁弩疊射賊屍山積更發大炮賊稍却

諭兵部令左良玉鎮武昌

癸卯張獻忠復陷鄖陽

甲辰李自成遣試郡邑諸生上等任六政府從事次任守令又次任佐貳

左良玉兵復萍鄉

乙巳金之俊為兵部右侍郎何騰蛟右僉都御史巡撫湖廣

丙午井陘道副使楊汝經為右僉都御史巡撫甘肅


李自成攻寧夏守將分營逆戰三勝之殺賊千餘人

丁未設南贛兵三千以副總兵鄭鴻達統之

國權

崇禎十六年

五十六




巡撫應天鄭瑄移鎮蕪湖又徙池陽池陽參將黃斌卿守城
左良玉以副總兵張應元吳學禮盧鼎守九江自同馬士秀
等舟師入武昌直搗長沙賊復合馬進忠等以兵趨袁州吉
安迎擊其前
已酉諭兵部已復駟傳令聞大吏仍自津則前之節省銀安
在其察明申飭

楚府奉國中尉蘊請從軍自効下兵部
進襄伯李國楨太子太保蔭錦衣衛百戶
庚戌進李虞夔為右副都御史王都為太僕卿

瑞王常浩棄漢中走廣元
辛亥右侍郎李建泰左副都御史方岳貢並兼東閣大學士
直文淵閣

李自成回西安檄諸路兵往寧夏關中賊聞自成敗竿子手
數萬東奔商雒出潼關散入河南

定庶吉士朱積周鍾劉餘濟史可程梁清標成克鞏羅憲汝
史垂譽魏學濂張元琳楊明琅魯臬吳爾璵黃察劉廷宗萬
發祥姚文然張玄錫王自超胡統虞李長祥劉肇國龔鼎何
胤光楊棲鶴白胤謙張家玉李化麟傅學禹魏天賞高珩趙



頻何九雲李呈祥張端呂崇烈

都督僉事李栖鳳為平寇將軍都督同知總兵官鎮守甘肅
葛如楚為征西將軍都督僉事總兵官鎮守寧夏

壬子起御史梁士濟鄧起隆

李自成復往攻寧夏

馬進忠次臨江監軍僉事嚴德光以兵來會

癸丑故吏部郎中宋應亨贈太僕卿

誅前督師范志完總督趙光忭總兵薛敏忠文選司郎中吳
昌時光忭九江人天啟乙丑進士授御史嘗劾內監鄧希詔

流廣西十五年賂周延儒蘄遠總督受事未几竭貨享士

與范志完縱敵同禍聞者傷之昌時敗論贖五萬金流妻子

二千里

故督師大學士吳姓成金齒衛同妻往

出南京各監局廢銅鑄錢

甲寅總督宣大孫晉罷晉附門戶攬權善宦出鎮未久得善


去

馬士秀郎啟貴楊文富王世泰等復臨湘斬四百級賊奔岳
州追之偽將混天龍以步騎數千拒南岸又輕舟數十順流

國權

崇禎十六年

五



下邀我士秀三分其軍且戰且行引滿交射前軍直上出賊
舟後反擊之盡驅中軍圍賊殺溺凡盡南岸賊走入城士秀
乘之賊不及守突出走長沙斬四千四百四十二人遂復岳
州府

巡撫偏沅李乾德總兵溫國珍屯沅州副總兵劉承胤守武
岡守備曾志建守道州


乙卯馬進忠出分且賊盡走袁州

起沈自彰文選郎中

丙辰改呂大器為南兵部右侍郎黃鳴俊右僉都御史巡撫
浙江黃家瑞為右僉都御史督理淮揚等鹽法軍餉何謙為
右僉都御史巡撫昌平

馬進忠前鋒營副總兵徐國棟常國安杜應金叅將黑雲祥
趙袁州馬進忠王允成繼進賊遁追擒偽守道蘇明偽監軍
李天根偽知縣王志宏偽教諭吳良才偽中軍郭守恒斬二
千八百六十五人奪馬五百三十弓矢數萬遂復袁州


丁巳榆林城陷自望日被圍吏卒力戰殺賊亡筭賊攻益力
踰旬不克賊以衝車環城穴之東南城崩數十丈賊入之兵
備副使襄陵都任全家自經餉司戶部郎中黃岡王家祿被



殺搃兵尤世威縱火焚其家百戶揮刀突戰死諸將各率所部巷戰殺賊千計賊大至我矢盡刀折殺傷殆盡無一降者餘勇千餘突圍而出投中問賊首倡守城者誰游擊劉廷傑厲聲曰阻降堅守者廷傑也死無恨賊遂剮之副搃兵惠顯罵賊不屈支解而死千搃馬鳴節一家自殺闔城婦女俱自盡搃兵自尤世威外侯世祿侯拱極王學書王世欽王世國李昌齡副搃兵則尤翟文常懷德李登龍張發楊朋游擊孫貴龍養峴守備白慎衡李宗叙千搃馬鳴節皆廢弁也守將則游擊傅德惠憲潘國臣李國奇晏維新陳二典劉芳馨

文侯國守備左勉惠漸賀以雷楊以偉榆林衛指揮李文焜葉顯忠李應孝馬應鑿等及千百戶數十人榆林為天下勁兵頻年餉絕卒窘甚而殫義殉城志不少挫榆林旣屠賊搗寧夏寧夏不支搃兵官撫民降三邊俱下賊無後顧長驅而東矣

李自成之赴寧夏也以精騎守河口遣百餘人按行閩鄉靈寶間榜示兵民又三百人駐陝州澠池俱置吏傳檄河南巡撫秦所式副搃兵屯李成棟屯孟縣河南以西皆盜屬官兵守懷慶之郭家灘沿河列炮上命兵部主事王真卿聯絡



土寨恢復中原承制招李際遇際遇使迎者入寨

戊午撫寧侯朱國弼提督漕運鎮守淮揚

庚申太僕寺丞賀王盛閱北河

李自成攻慶陽四日陷之兵備副使段復興先焚其妻子自

經知府董琬鄉官太常少卿麻禧死之賊執韓王亶眷屠慶

陽復興

十二月辛酉朔故提督丁啟睿倡義兵斬李自成偽將于扶溝

獲級七十二

故南陽知縣姚運熙贈河南按察使事

真人張應京放還

前兵部尚書王業浩王在晉並卒

壬戌張獻忠陷江西建昌

癸亥侯峒曾為順天府丞

左中允馬世奇右中允楊士聰 韓四維俱為左諭德

編修徐開禧林增志梁兆陽俱為右中允

乙丑前大學士周延儒賜死字玉繩江南宜興人萬歷癸丑


進士第一授脩撰進右中允崇禎 年歷禮部右侍郎評對

錢謙益賄舉事稱旨拜禮部尚書兼東閣大學士叙城守功

國權

崇禎十六年

空



加太子太保叙實錄勞進少保戶部尚書武英殿大學士辛未主禮闈壬申叙陵工加少傅吏部尚書建極殿大學士予告巳卯存問辛巳再召入朝加少師中極殿大學士不拜癸未自請行邊入朝又予告復趣之入至是法司擬罪有旨機械欺蔽比匪營私濫用僉人封疆貽誤勒自盡論贖十二萬許歸殞延儒少無學行尤耽聲利性極警敏善揣人意指始比溫體仁共執政及再相頗反溫之所為而操守濫甚往假用人為鬻爵地借起廢市德門故踵進子弟倖捷時方得君不顧外患款局敗委罪陳新甲沒其厚賂宰籠朝端敗壞

國事以致天下左衽痛哉

楊士聰曰 上召雷演祚方拱乾此宜興得罪之始也迨

吳昌時廷鞫後始令催入候旨明乎罪因昌時故諸臣言

昌時么麼小臣 上曰昌時是么麼彼周延儒也是么麼


厥後刑部擬罪舍昌時而專言封疆逢迎上意而致之死

夫封疆則有之矣豈宜興一人之罪且視師不過末年始

終封疆者自有其人與宜興何預及至旨出又不言封疆

而言機械罷內侍撤廠衛皆機械也此內璫所日夜文致

于上前者至此亦不覺露矣又曰 上即位以來命相



三四十人其中非無賢者求其精神提挈得起惟宜興與
烏程二人但俱不軌于正耳其初入門更無少異惟宜興
近和烏程近刻其以自遂一也烏程最久不露瑕隙大意
主于逢迎其後轉相奉倣不離烏程一派雖精粗不同其
揆一也

設遷曰自直閣以來貴極人臣生赴市曹惟王毅愍夏文
愍兩人耳于時號酷烈旋亦滿雪令我未造綸扉若為冥
塗韓城宜興相繼賜盡四年之內增慘昂軸宜興最得君
上于迎合內箱大璫外調言路謂柱支百襪可也曾未几

何覆公之鍊法至不貫朝廷之元氣剝蝕不可復矣夫韓
城以忤吳昌時敗宜興以昵吳昌時亦敗之近則不遜遠
之則怨宣尼致戒于小人誠有以也

李自成兵攻漢中不克還攻韓城不克高士英並彈不降
王楊基免何騰蛟為右僉都御史巡撫湖廣

高傑在絳州聞賊渡河分道東走一趨吉州一出禹門戍長
至蒲州


丙寅忻城伯趙之龍守備南京

丁卯王繼謨仍兵部右侍郎總督宣天山西

國權

崇禎十六年

卷三



張獻忠兵陷撫州南豐

巡撫湖廣林贊兗

戊辰總督屯務袁繼咸未赴任令蒞職戴罪

呂大器兵復茶陵醴陵

左良玉遣子夢庚入湖廣

張獻忠出嘉魚遣艾四以前鋒至新隄馬士英逆戰不利退

已巳命工部右侍郎周堪賡繪上河工圖

總督倉場白貽清罷

辛未沈自彰為太常少卿

壬申進陳演太子太保吏部尚書中極殿大學士

李自成至三原

癸酉故大學士徐光啟加贈太保廕中書舍人

李自成至富平大掠

甲戌以兵部右侍郎張鳳翔蒙恩規避下刑部獄前衛周胤


韓文銓薦之又各坐事謫外

李自成兵私掠蒲州偽將劉

馬 為之後自成誅之

乙亥故左都御史張瑋贈吏部右侍郎

西域獻千里馬命五城清道試城上不果



丙子故提兵劉源清贈太子少保

李自成兵掠韓城

丁丑兵部右侍郎劉令譽協理防河

何騰蛟奏湖南永順保靖之土司黔南銅仁黎平之土司西
粵柳全之土司皆可用也臣素與其豪長游簡其壯勇可得
數萬倚湖守險土司無遠征之憂百姓無客兵之害平賊將
軍左良玉臣所熟知不可不藉為犄角徐州副提兵金聲桓
肝胆可用其部下劉世昌夏國基金成功劉一鴻等皆可與
言彼其人原自左營調至今其偕行庶可掉運乞加金聲桓

援剿提兵銜以示鼓勵從之

艾四追馬士秀于嘉魚士秀又敗走武昌

諭兵部恢復承天荆襄湖廣巡撫何騰蛟會承天鄖陽各撫
亟圖之又諭兵部令江督呂大器同左良玉平張獻忠黔廣
提督李若星沈猶龍提兵夾擊

戶部郎中沈廷揚加光祿少卿專海運


戊寅保定副提兵張天福以江督呂大器標將索馬遂以數
百騎叛走九江附左良玉

巡撫山西蔡懋德屯平陽以歲暮還太原

國權

崇禎十六年

六十五



已卯許都督同知方國安留剿楚寇

副總兵馬進忠進扼蒲州

庚辰寇至河津自船窩東渡副總兵陳尚智走回平陽

辛巳通政使李兆罷

壬午施邦曜為左副都御史郝晉為刑部右侍郎

前 李明睿復寇帶召見

李自成攻山西平陽知府張璘然走太原吏民皆降臨汾知

縣劉達擢陝西直指使殺西河王 等三百餘人于東門

外陳尚智擁兵走泥源山中四掠

張獻忠自岳州渡江至營與馬守應合獻忠獷甚蓋李自成

西犯去楚故獻忠得橫荆岳間

仲於陞世襲五經博士

寇破稷山河津掠絳州


癸未高傑聞平陽陷自蒲州東走恣掠遂下澤州

劉令譽為兵部左侍郎徐人龍為右侍郎添設提橋改南太

常少卿

禮科給事中沈胤培乞閔惠王桂王流離之苦勅部議安之

餘如楚王吉王岷王俾撫按商其居止助其供給以慰惇睦




李自成馳檄山西各郡邑曰倡義提營首總將軍為奉命征討事自古帝王興亡兆于民心嗟爾明朝大數已終嚴刑重斂民不聊生誕我聖主體仁好生義旗一舉海宇歸心渡河南而削平豫楚入關西而席卷三秦安官撫民設將防邊大業已定止有晉燕久困湯火不忍坐視特遣本首于本月二十日自長安領大兵五十萬分路進兵為前鋒我主親提兵百萬于後所過絲毫無犯為先牌諭文武官等刻時自度獻城納印早圖爵祿如執迷相拒許爾細民縛獻不惟倍賞且保各處生靈如官民共抗兵至城破玉石不分悔之何及

甲申左良玉兵復臨湘

寇攻山西安邑知縣房 投井賊曳出斬之焚其西門遂圍

夏縣垣白

李自成陷安州先是鳳翔蘭州開門迎賊因渡河莊浪涼州二衛降巡撫甘肅林日瑞以副總兵郭天吉四千人守峽口而敗遂圍甘州夜乘雪登城日瑞及總兵馬礦副總兵郭天吉中軍哈惟新姚世儒等監收同知藍臺鄉官羅俊傑趙宦等並死之殺居民四萬七千餘人西寧等衛尚堅守不下明年二月詐降殺偽官賀錦魯文彬



東陽諸生許都反故左都御史許弘綱從孫也有聲庠序任
俠喜文游知縣姚孫桀貪虐借名備亂橫派各戶輸金許都
萬金都實中產勉輸數百自詰告竭孫桀大怒摘都所刊社
稿名氏謂造逆反桎梏之時輸金者盈庭閔然不平有姚生
成執孫桀于座笞之群擁都為主巡按御史左光先聞變調
兵行剿官兵所至屠掠東陽蘭谿人各保鄉寨拒敵官兵大
敗紹興推官陳子龍謂許都不當反遣諸生蔣若來賫書往
諭之浙江
乙酉逮江西湖西道副使岳虞巒

左良玉遣副總兵盧光祖惠登相劉洪起以步騎四萬自河
南至九江入湖廣

丙戌左良玉復長沙湘潭湘陰

丁亥張獻忠前鋒艾四轉戰至三十六灣鋒銳甚馬進忠拒
之敗又戰敗于蒲圻

戊子張亮為右僉御都史巡撫安慶廬池太平時各督撫四
十有一開府之濫極矣


黨崇雅為戶部左侍郎總督倉場

蔡懋德兵反太原

國權

崇禎十六年

亥



己丑方震孺為右僉都御史巡撫廣西

貴州鎮草營叅將梁亂林攻桃固山洞擒賊程繼孔繼孔反


覆擾徐邛間亂林以除夕出其不意擒之山寨悉平



許都據浦江縣游擊蔣一提兵乘除夕攻破之賊大潰都

走山中一


方震孺為右僉都御史巡撫廣西
貴州鎮草營叅將梁亂林攻桃固山洞擒賊程繼孔繼孔反
覆擾徐邛間亂林以除夕出其不意擒之山寨悉平
許都據浦江縣游擊蔣一提兵乘除夕攻破之賊大潰都
走山中一



國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393441 v.58

國家圖書館, NATIONAL CENTRAL LIBRARY, TAIWAN, R.O.C.



弘光皇帝諱由崧

先是初福恭王常洵神宗顯皇帝之次子也以母皇貴妃

鄭氏嬖幾立之後封國河南王妃鄒氏無子妾封氏萬歷丁

未十月癸未生由崧戊午七月甲辰封德昌王由崧八月進

封福世子崇禎辛巳正月李自成陷河南福恭王遇害世子

出奔由崧月嗣福王自恭王來寵賜甲於諸藩故奇技淫

巧多輻輳習於奢酒不好學居喪多失行禮部署部事右侍


郎王錫衮難其封會寇警播遷無寧日積儲俱竭元妃黃氏

繼妃李氏俱無子後妃童氏遭亂不及從避居懷慶宮嬪悉

國權 崇禎十八年



國家圖書館, NATIONAL CENTRAL LIBRARY, TAIWAN, R.O.C.



散落

崇禎十八年甲申

正月庚寅朔清 聞寇警迫發懷慶

二月庚申朔

三月己丑朔清 薄淮安索贖貸潞王以濟千金

四月戊午朔辛未 先帝凶問至南京兵部尚書史可法工程
部尚書程註都察院右都御史張慎言兵部右侍郎呂大器
詹事姜曰廣太常寺卿何應瑞吏科給事中李沾御史王孫
藩陳良弼朱國昌米壽圖各至戶部尚書高弘圖邸中議監


國首福王次當潞王而倫序以洛陽為正可法嘗開府淮上
雅聞其在藩事意靳之不敢言猶疑北變風影踟躕未決

已卯史可法以三千人渡江勤王駐浦口

甲申南京文武諸臣告迎立于奉先殿詹事姜曰廣撰祝文
戶部尚書高弘圖手書 神宗皇帝之第二子第一藩方散

兵部尚書史可法手札遺諸臣曰雒陽衛輝並南下當兩迎
拈闡 孝陵之前諸大臣謂已告廟何觀望為鳳陽提督馬


士英亦以迎立事東致可法報書有雒陽不忠不孝等語其
意頗在潞王未露以福王非天子器也而鈞奇驚功名者群



起馬士英及左都督劉澤清前巡撫貴州田仰故禮部右侍郎錢謙受守制武定道僉事雷演祚前鬱林知州劉履丁等各意屬潞王有秘畫而潞王先渡江馬士英以鳳陽之甲值福王淮安遂迎奉之徵總兵黃得功劉良佐等聯舟南下劉澤清以改計以從史可法聞之即起列南京文武諸臣名迎于邵伯鎮士英亦東示南京諸臣明日南京守備太監韓贊周出迎又明日魏國公徐弘基御史陳良弼朱國昌往士英盛稱兵十萬臨江以脅留都諸臣也

丙戌福王至燕子磯文武諸臣出迎中軍都督府安遠侯柳祚昌東寧伯焦夢熊都督同知張天祿誠意伯劉孔昭都督同知劉肇基成安伯郭祚永都督同知徐大猷受南和伯方一元都督僉事馮可宗尚書高弘圖程註等

丁亥福王次龍江關舟隘諸臣登謁勲貴先之次尚書史可法高弘圖程註右都御史張慎言餘卿寺科道部司將領俱望拜舟次可法等四人跽拜王亦拜手挾可法弘圖起之泣曰家耻未雪國仇未報可法等啟請監國不拜曰宗室未賢未敢辱及又堅請曰天下不可一日無主臣等不得命終不敢起王暫允之時侍衛簡斥角中葛衣衾枕俱敝內監數人




襲布履草有困頓之色。

五月戊子朔晨登三山門環城而東展謁孝陵祭享殿素服
角帶望東陵問知為懿文太子也還朝陽門入東華左門謁
奉先殿訖出西華門次外守備公署諸大臣將朝以王謙讓
先語內侍曰今日之禮與舟中異宜坐受及入拜王答揖之
問諸先生今何事為亟史可法曰防江為急王然之始江南
聞變各懷危懼至是士民忻有固志
禮部儀制主事吳本泰州監國儀注竟如登極之禮
左良玉治兵攻張獻忠發漢江

平西伯吳三桂追賊至直隸撫寧縣大破之

北京故御史曹溶自巡視西城傳臣民為先帝發喪設位
都城隍廟偽兵政府右侍郎梁兆陽偽兵科諫議大夫孫承
澤偽編修高爾儼等亦預焉偽直指使張懋爵柳寅東韓文
銓朱朗鑠各自為巡城御史詞民詞核奸宄甚力午後傳吳
三桂止建母入城僅頭目護東宮至都人幸甚李自成西
奔夜弒太子及永定二王矣或云吳三桂請送太子入京建
卜不許三桂夜送太子于太監高起潛所又云潛逸于民間
陰導之入皇姑寺




已丑諸臣謁行宮約各致慰太子太師魏國公徐弘基請早
正大位收拾人心次言靈璧侯湯國祚濠言戶部措餉不時
太監韓贊周及兵部左侍郎呂大器叱起之王曰文武宜和
衷群臣以次對贊周亦有所奏俱出始上箋請監國右都御
史張慎言曰今宜即真何事監國諸人唯慎言曰昔土木
之難英宗北狩而景帝登極不以為嫌非為景帝也
正為英宗也今之日更何待乎時卜相史可法請出商之乃
退或謂韓贊周曰公當舉一人贊周徐曰我若舉一人將此
人後何以作相衆服其言可法密謂慎言曰公請正位倘若

東宮復來奈何慎言曰大位既定即東宮至安能私之蓋馬
士英盛兵江上威脅南都可法慮變故稍遲之也遂先鑄監
國之寶又推張慎言吏部尚書然後枚卜又議赦書可法曰
天下半壞歲賦不過四百五十餘萬將來軍餉浩費則練餉
餉等可項未可除也議逆案以先帝聖斷毋改

吳三桂追賊至保定賊還兵而戰三桂奮擊敗之
北京故吏部左侍郎沈維炳錦衣衛左都督駱養性約諸臣
哭臨先帝于午門養性隨備法駕迎東宮

庚寅福王監國冕服登丹陛告天地宗社群臣青補朝而不



賀魏國公徐洪基上監國之寶


太祖成祖及二后御容舊供武英殿命移奉先殿徐洪基柳祚昌方一元祭告高弘圖姜曰廣奉 二祖御容太監盧九德韓贊周奉 二后御容

南右都御史張慎言為南吏部尚書初兵部尚書史可法言臣職典兵兼攝銓篆值兵馬倥傯之候而問人才用舍之宜其秩難兼其悞不小故必舉各官之清正有望者早進統鈞而後真才得効于國家丕業克隆于堂構會舉張慎言及前左都御史劉宗周 上竟用慎言時慎言力不願改曰必我

典銓也者無論失我將并失搃憲耳後竟如其言南銓曠久司官止文選主事倪嘉慶驗封郎中蕭士璩偉椽史四人不諳朝典慎言手創規先事枚卜

劉澤清等各奏申大義早發喪哭臨且約史可法過江共議欲卸柄于馬士英也

吳三桂追賊至直隸定州北十里清水鋪偽都尉谷英麾兵還戰賊飢疲不戰自亂英連斬卻者數人終不能止三桂奮擊大破之斬英俘大帥三人殺數千人奪婦女二千左光先馳還救之清 乘勝奮長刀斷馬足光先墜馬跳免盡棄輜




重獲金銀七百餘萬械畜亡美胡騎繼之追奔十五里屯定
州人斬偽知州董牧迎三桂三桂以谷英頭祭父襄舉輜
重犒士收散賊萬餘人

清攝政王湯鶴泰入北京時鹵簿出朝陽門臣民望塵伏道
左止輦升輿則胡服頽身臣民相顧失色闕寧兵已先驅入
都門城上俱立白旂攝政王乘鑾輿萬騎夾之入居武英殿
稱制故戶部右侍郎王鰲永欲入謁見上下俱坐地乃潛出
都人各去其素憤景色慘黯

楊士聰曰嗚呼吳三桂西不能制寇東不能抗下姑靜俟


焉以待下寇相遇徐觀鷓蚌之持亦未為大失也乃束身
歸予以復仇之名使得藉口闖入一戰再戰寇雖西遁
而京師為下有矣且東宮二王禍不旋踵吳襄被倖殃及
全家揆之忠孝有何當焉坊刻不察而沾下三桂之功吾
不知其有何功也使三桂而可言功則盤踞二東忽焉南
牧渡河涉江金陵不守亦可謂三桂之功與
設遷日甲申之變倉卒不及料中外震懼吳氏不勝其怨
瞋目語難捐身家以從之溫嶠陶侃之討蘇峻子儀光弼
之仇安史其義激不過如此第榆關永平累捷之後宜密



遣間使潛入京師，狡寇初遁，明示曲折，俾臣民曉然，知闕
寧復仇之舉，建_卜搗虛之勢，或長安豪傑立鼓衆，城守馳
約請和，割榆關以外棄之，歲輸幣十萬金百萬，事雖不濟，
而此心可盟，天日他日可稱。先帝于地下，且兩軍合勢，
獨無成言于先乎，或建_卜兵銳，彼不能降心以相從，則厚
賂其愛將，亦表餌之術也。吳三桂兵至榆林，清_下檄其西
征，以遠之，若先入京師，則清_下將不復納矣。機會之乘，間
不容髮，吳氏既不能分身以應，又不能先事以防，天未厭
禍，蒙羞左袵，虛五日之期，成九州之痛，寡助之至，未可獨


責三桂，而揆以春秋責備之義，三桂又安有所辭乎。

辛卯監國哀諭曰：嗚呼！予小子涼德，未堪國家多難，如昊何
天降此鞠凶，嗚呼！痛哉！維_下先帝以天縱神資，丕承_下祖宗
鴻緒，遠逢國步，未多艱，民生日苦，而勤學力政，罔有休暇，以
堯舜之深仁，挽叔季于唐虞，念茲在茲，無時或怠，自有生民
以來，未有如_下先帝之焦勞者也。不期以禮使臣，而臣忍以
不忠報，以仁養民，而民忍以不義報，彝倫攸斁，施報反常，自
有斯民來，未有甚于今日者也。馴見妖氛日熾，僇我赤子，辱
我宗藩，毀傷我陵殿，四海人心，莫不欲滅此而朝食，乃先




帝愛惜愈加。招撫彌切。至欲餉初增而又減。將已敗而仍收。官極貧極酷而仍用。無用非欲化頑為良。撥亂為治。嗚呼痛哉。何皇天不弔。遂至有今年二月十九之事。爰及國母掩照相從。徽音頓杳。遺烈如生。信乾坤之合德。肆節義以雙成。然而慘變殊常。貽毒千古。孤雖眇質。片氣猶存。暫膺監國。益切除凶。謹告哀于臣民。庶憐予而多助。知尔同心。悽感何極。喪禮依舊制。以日易月。二十七日釋服。毋禁民間音樂嫁娶。督撫鎮守都布按三司官員。地方攸繫。不許擅離職守。聞喪之日。止于本處哭臨三日。進香遣官代行。衛所府州縣土官並

免進香。諭告天下。咸始使聞。知又赦。諭曰。我國家二祖開天。昭宣鴻烈。列宗纘緒。累積深仁。歷今三百年來。自高曾以逮孫子。世享太平。代受亭育。其在。大行皇帝躬行節儉。勵志憂勤。宵旰十有七載。力圖勦寇安民。昊天不弔。寇虐日猖。乃敢震驚宮闕。以致龍馭升遐。英靈訴天。怨氣結地。嗚呼。慟哉。賊因而屠慘。百官殺掠。我百姓滔天之德。蓋載不容。神人共憤。孤避難江淮。驚聞凶訃。既痛社稷之墟。益激父母之仇。矢不俱生。志圖必報。然度德量力。徘徊未堪。終夜拊膺。悲涕永嘆。乃茲臣庶敬爾來迎。謂倡義不可無主。神器不可久



虛因序謬推連章勸進固辭未獲勉狗輿情于崇禎十七年
五月三日暫受監國之號朝見臣民于南都孤夙夜兢兢惟
思汛掃妖氛廓清大難上慰在天下慰四海忠孝之道庶几
無虧期道深愆敢不僇力德涼任重如墜谷淵同仇是助猶
賴爾臣民其與天下更始可大赦天下所有事宜應行開列
于後云嗚呼自有乾坤鮮茲禍亂之慘凡為臣子誰無忠
義之心漢德可思周命未改惟爾臣民尚其勗哉匡予不逮
布告中外咸使聞知

李自成至真定耻于累敗賊黨漸攜忿之自勒精騎還擊三
桂關兵清兵翼張以進大殺將三人斬萬餘級自成敗走
大清攝政王盡屯騎兵城外留千騎宿衛徙近郊居民二三
里空之以屯清兵故吏部左侍郎沈惟炳戶部右侍郎王鰲
永金之俊等入投職名命復原官鰲永之俊各上封事之俊
宿直廬不出檄各司官仍任惟炳及錦衣左都督駱養性上
勸進表攝政王不出內院大學士范文程笑謂惟炳曰吾
國自有主此攝政王也何勸進為攝政王六日設我帝后
位于帝王廟臣民哭臨三日議謚葬八日官民削髮十五日
朝見于是故禮部右侍郎楊汝成稱典禮浩繁不能獨任文




程令吏部推雷躍龍禮部尚書李明睿左侍郎竟用明睿其
不用尚書以正官必建州遼陽也

壬辰監國自大明門入內朝暫居內官監

南京兵部尚書史可法戶部尚書高弘圖並為禮部尚書兼
東閣大學士總督鳳陽馬士英進兵部尚書兼東閣大學士
仍總督工部右侍郎周堪廣為南京戶部尚書時詹事府姜
曰廣推閣負令旨謂翰林止列姜先生命復之補顏渾吏部
文選郎中梁羽明考功司郎中員外郎王若之戶部郎中
魏國公徐洪基言五事固民心擇首輔選名將議戰守明賞

罰報可

南京吏部尚書張慎言奏吏部目前切要一附近原任司官
如梁羽明顏渾等另疏注銜令刻期赴任一令選司于京堂
科道庶僚發訪單各舉所知一南京部寺各衙門屢經裁減
今宜復舊一行文撫按開報庶僚及外官賢否資俸履歷等
項一撫按速將地方人才不論謫戍註誤閑住但無大過尚
堪任使俱開報一考選行取科道撫按以俸滿卓異在四年
四月上者奏明給文赴部一急選大選官如科甲貢監吏員
及丁憂起復等項臣部無底案查攷待 旨後臣出示科甲




貢監等見在京及附近郡縣許報名聽考。如道梗無本處憑文取京官保結一官制舊章為主。如保舉改授換授布衣等項見職論賢否黜陟其後俱停止不可濫行從之。

史可法言今日畫江脩備恢復承天襄陽不可一日緩也。承天提兵北部推張應元未奉旨副提兵惠登相與毛顯文攻下德安今仍以應元開鎮承天登相開鎮襄陽果收復兩郡即畀世守從之。命張應元為都督僉事提兵官鎮守承天。罷河南道御史陳丹衷調兵土司丹衷奏大行皇帝許同副提兵成大用往調土司其軍餉已勅提督兩廣及廣西撫

按預辦今乞頒新勅遂罷其兵


命兵部主事萬元吉賚萬金犒劉澤清等諸鎮

京畿道御史祁彪佳上言人心積玩則必囂積囂則必變故當以仁厚飯群情以嚴肅定衆志典制益當遵守勿以多事而遂紛爭之端名器益當慎重勿以乏才而啟濫倖之竇人才不可不愛惜而自媒之徑不可開官爵不可不優崇而躡進之階必不可有民力固宜緩也必俟制經定而後蠲減不致為虛文兵氣固宜振也必須紀律申而後醪續足以資騰飽恩賞固宜普也必當為可繼之地勿以生無厭之覬覦開



釋固宜速也。必當核可原之條，勿以紊罔貸之刑章。夫如是，庶紀綱明，法度飭，在我以輕徭薄賦，收民心，以舉賢錄才，收士心，以信賞必罰，收將帥之心，言守必固，言戰必勝矣。
大清攝政王諭南朝官民人等曰：曩者我國與爾明朝和好，永享太平，屢致書不答，以至四次深入，期爾朝悔悟耳。詎意堅執不從，今被流寇所滅，事屬已往，不必論也。且天下者非一人之天下，軍民者非一人之軍民，有德者主之。我今居此，為爾朝雪君父之仇，破釜沉舟，一賊不滅，誓不反轍。所過州縣，能削髮投順，開城納款者，即予爵祿，世守富貴。如抗違不

遵，大兵一到，盡行屠戮。有志之士，幹功立業之秋。如有失信，將何以復天下乎？攝政王問編修高爾儼以遼金元事，爾儼因進三史，攝政王欲修崇禎史，爾儼曰：「纂脩遺稿燬盡，且史事甚重，詹翰一體，因傳詹事何瑞徵、高珩、李呈祥等，自是百官投遞職名，時翰林止爾儼，左右中允楊昌祚、林增志並重創不出內院。大學士范文程處分國事，同官某，終日無一言。文程先世江西樂平人，瀋陽籍。大父懿嘉靖丁丑進士，官兵部尚書，故尚書倪元璐舍人，投牒文程求扶喪南還。文程立遣騎持令箭送至張家灣，于是殉難諸臣之喪多次。




第南歸

李自成益合兵攻吳三桂三桂合清漢兵拒之自晨及晡兵數合殺傷相當東風大作黃沙蔽天賊殊死鬪三桂益奮賊漸卻關兵射自成中之墜馬走還營創甚臥民舍居人怨之皆自焚室廬火燭天賊夜移營終夕數驚不能止援營西走度故關入山西三桂逐之及關而止遂相傳云自成死

癸巳南京詹事姜曰廣前禮部尚書王鐸並為禮部尚書兼東閣大學士直文淵閣時同推前禮部右侍郎陳子壯少詹事黃道周右庶子徐汧而監國故與王鐸有舊

南京兵部右侍郎呂大器為吏部右侍郎練國事為南京戶部右侍郎總督糧儲賀世壽為南京刑部右侍郎太常卿何應瑞為南京工部右侍郎應天府尹劉士楨為南通政使總兵高杰兵欲入揚州士民不納遂恣攻掠城外民舍俱空江南北大震職方郎中萬元吉言揚州臨淮六合所在兵民相角兵素少紀律民近更乖張一城之內民以兵為寇兵以民為叛環攻弗釋臣等雖有愛民之心斷無銷兵之術


巡撫薊鎮何謙走德州濟王朱帥欽留之不從竟南遁兵部右侍郎張鳳翔走東昌亦倡士民起兵河北山東郡縣各殺



偽官起義監紀兵部職方主事凌 倡義于臨清州
北京官民哭臨 先帝設位帝王廟三日舖時清 搜遺衮
二襲馳焚殿前


彭時孫貽曰寇之起于崇禎三四年也。不過飢寒嘯聚耳。此五六年縱突千里出沒無方所謂流寇也。十二三年後則非復草賊行徑矣。又十四五年後非復竊據情形矣。夫其作難之始誅撫固易耳。寇起自隴右而山東登州兵亦叛。夫隴右亂民也。迫于飢寒宜撫也。登州叛兵也。負我養養宜誅也。臺臣吳執御論之詳之。當事者黨庇謂亂兵

宜撫亦無成策。亂民宜剿而剿亦無成策。彼時仗鉞而撫指麾者猶中智以上。非無克敵戰勝之威也。戰勝之下殺僇而已。殺僇可盡乎。千俘萬級皆吾民也。驅除而已。驅除安歸乎。東奔西逃皆吾地也。乃當塗卿大夫局外易言。刻期責效。使志士掣肘。未有成功。以劫代殺。以括代頗。始之以粗鄙之熊文燦。繼之以用罔之楊嗣昌。于是中原陸沉矣。元惡既憇。盈廷狼顧。陳睿謨龍鍾也。以控長常。宋一鶴鬼錄以填全楚。節制無術。將不知兵。不能戰。非但此也。兵之厲民更甚于賊。楚事大裂。民怨于下。天怒于上。飢疲




類仍同類相食人死如亂麻一人側席亦既戚言于民然
所期非厲民而所施者皆斂怨于民之事大奸雄起而乘
之據中原吞江漢襲三秦凌晉跨蜀則民心使然也夫斂
重而民窮民窮而盜起自古皆然豈待智者而後知哉今
國勢雖日蹙江浙閩粵吳楚川黔尚有天下過半也三百
年之澤民心猶未盡忘漢也苟能搜攬英哲休養東南扼
險立國徐圖進取其功猶倍于孫吳晉宋苟悠悠無策括
東南半壁之民力以養不知兵之將不能戰之兵是自盡
之術也覆亡無日安望其恢復乎彼掘起之雄所為左右

者非其草莽等夷則其脅而降之叛而納之也天下大器
士所同欲其中梟悍豪雄之姿強絕疾不仁之輩亦必有
為所欲為者豈遂俛首定君臣之分終始夙夜以處一夫
之下乎是寇之取天下也寇易之守天下也難誠招徠賊
中將帥能以一郡降者即以一郡封之與克復同如是則
賊中智勇之士必革心回志聽命國家矣夫反正天子顯
名也列爵有土厚實也顯名厚實士之所期也古帝王所
以長有天下者無他以天下之富貴與天下之士共之以
天下之衣食與天下之民共之也今以資招得富貴者率



多不才無耻之士無益于用而勇略實心為國家用者又
不必得富貴而反足以殺其身何怪乎士之不我與也今
日分天下民之衣食不養不能戰之兵又縱無用之兵厲
民而奪其衣食何怪乎民之不我與也故夫設藩鎮以待
有功者使士有富貴民有衣食而後天子乃復有天下也
國子生莆田陳方策上書史可法曰寇虐披猖王室板蕩衣
冠介冑叛降如雲相公以一身任天下之重獨撐傾厦俾蒼
生無主而有主哲師討逆矢石躬親凡有血氣莫不涕零異
須臾毋死以觀執事之成策或不妨于明禁一言也李賊情


形策也悉其略于塘報矣區人之愚竊謂未盡宜緩圖者有
六幸垂採焉吳公統率義兵屢與賊戰近京如其不即破賊
賊兵為主夷兵為客曠日糧盡不無望我接濟夷兵深入策
應漸偏愚民無知附賊日益賊不遽滅夷將孤注不無望我
救援賊兵靡爛自成授首夷兵得志勞著功成不無望我賞
賊一潰敗必走西秦夷不窮追必將南下不無望我安頓似
未宜緩圖所以待夷兵也獻賊蹂楚侵蜀蓄奸已深聞闖入
京寧不思逞地據上游順流而東秣陵風鶴似未宜緩圖所
以辦獻賊也左鎮據兵數十萬何難于戰兵丁時一肆掠若



不亟申大義俾建殊猷誠恐養寇成患必至于潰似未宜緩
圖所以勵左兵也畿南河北人受賊愚不知省悟咸知有偶
僭之偽朝未知有中興之新主近如淮揚僅隔一江音信不
通訛傳日布監國發喪兩詔所當速頒萃渙合離在此一
舉似未宜緩圖所以挽民心也山東半降賊多經殘破恢復
剷除易于反手尚有充青登萊夙稱殷阜堅壁固守至今靡
他若不頒詔傳檄戒其無二固知遠從恐又遭其煽惑似未
宜緩圖所以救東省也附偽朝者既為叛臣歸本朝者即為
義士長安覲顏事賊疇非貴人何以離亂之時勤循資格血

性男子報國無權九死一生幸脫虎口至黃河而黃河不許
渡至大江而大江不聽過盤詰索錢不問奸細防守放礮止
擊歸人獨有縉紳取箭長往累士庶痛哭水濱土寇蜂屯
殺掠几盡京師五方雜居何啻百萬生靈誰無家鄉誰無父
母今一旦獨不哀矜其不從賊而但厭薄其不為言也似未
宜緩圖所以接回鄉也

甲午大學士史可法言沿江之兵合計不二萬請自九江以
東鎮江以西千餘里之間設水兵五萬開鎮九江鎮江各萬
五千人聽節制于操江總督餘二萬人操江自將之往來策



應其兩鎮信地一自九江至荻港一自蕪湖至鎮江仍舊設
操江文臣倣京營之例一總督一協理水兵既設戰船宜增
察臣部有貢部舡各省自有漕船北道未通貢舡無用止留
十分之二以示存年餘盡改兵舡歲修錢糧盡水營江廣浙
直漕糧轉運南京甚近漕舟量留十分之四用疊運法行之
歲可兩三餘船及脩造銀察明扣解目前臣部及工部各委
司官二監督改造從之

補倪嘉慶南京吏部驗封員外郎華允誠葉廷秀文選主事
命御史祁彪佳安撫蘇松常鎮左光先安撫浙江黃耳昂安

撫徽寧池太陳丹衷安撫江北各給勅印其江楚閩廣等另
委從呂大器之請

成國公勲衛朱元臣奔自北京自言雜擔夫以出

揚州士紳王傳龍等奏高兵殺掠之害


衡王常渡募兵殺偽官遂復青州盡倖賊黨山東大震

清封吳三桂平西王

薊州監軍道方大猷隨吳三桂降清命大猷守通州座師

楊士聰移家南歸大猷遣卒護行

乙未起劉宗周南左都御史



劉澤清擁兵徧臨淮鳳陽叅將戈士凱以聞

巡撫應天鄭瑄移兵駐鎮江奏江淮潰兵皆欲渡江臣遺書高劉二帥不肯止兵請勅操江武臣速援京口

史可法請裁叅贊內外守備等銜惟照北制改設團營即以大小教場神机三營倣五軍神樞神机之意每營萬人以副將叅游都分領總于提督此外立巡捕營兵六千兩叅游分領提督總之以防內奸併神威振武營兵五千兩叅游分領勳臣總之以護陵寢設兵部標營兵三千副將領之以示居重馭輕之意兵制定矣統之不可無重臣照京營例設提督

勳臣協理樞臣凡京營兵悉歸統轄五府向止僉書一員而提督若其三今每府用僉書勳臣一提督五其侍直大漢紅盔叉刀圍子手及錦衣鑾輿等司軍數甚多擬選大漢將軍二百人紅盔叉刀圍子手三千人加皇城直軍足五千之數勳戚一員領之錦衣衛旗校酌設八百人堂上官一員加提督官旗辦事其東西兩司街道房南北兩鎮撫司官不必備從之


命都司崔任往諭閩遠登津水師總兵黃蜚撤舟械南至淮

安廟灣左良玉攻承天

國權

崇禎十八年

二十



總督九江袁繼成請入覲 監國諭止之

偽長蘆鹽運使王孫蕙以河南濬縣知縣徵入京值變孫蕙表賀自成曰燕地既歸宜拱山河而受錄江南一下當羅子女以承恩宋企郊大賞之除偽命四月出都留妾包氏于京示賊不疑衣緋鼓吹至德州忽見大明旂幟即裂其青旂毀勅瘞印拭其偽封夜半棄行李微行至德州渡淮至江上聞南都事因矯稱潔身不屈狀而邑人知其穢跡檄斥之將軍丙申徐一范為南尚寶司少卿曾益為南兵部郎中李向為員外郎胡奇偉為主事

瑞王常浩避兵入重慶

總督鳳陽馬士英自請入朝拜疏即行

征剿太監盧九德至浦口入朝


吳三桂同英王蟒蛇踏入北京

丁酉御史祁彪佳為南大理左寺丞

左良玉復德安隨州

馬士英請正大位黃得功等亦言之

南京吏部尚書張慎言奏補科道李沾南吏科都給事中陳泰交右給事中姜應甲馬嘉植給事中張元始戶科都給事




中羅萬象張希夏左右給事中陸朗給事中沈胤培禮科左
給事中李如璧右給事中袁彭年給事中左懋第兵科都給
事中辜朝薦李永茂左右給事中陳子龍給事中黃雲師錢
增刑科左右給事中李清工科都給事中李維樾右給事中
梁士濟楊仁愿鄧啟隆霍達鄭崑貞周一敬潘世奇周燦吳
文瀛王燮任天成左光先劉達賀登選白抱一黃澍劉之渤
鄭封黃耳昂陸清源李挺阮振中陳丹衷補南京各道御史
夏允彝補南吏部考功主事
濟南偽防禦使張問行偽濟寧州牧任崇志勒紳民助餉

戊戌魏國公徐洪基等上箋勸進許之

右軍都督僉事漢菴總兵官趙光遠改鎮守四川總兵官如
恢復秦中即與世守


貴州民何兆仰作亂

南京太常卿何應瑞言今月十七日夏至祀北郊請旨裁奪
禮部右侍郎顧錫疇言夏至祭地禮物未備恐屬冒熟合候
冬至祀天併行從之應瑞又言 孝陵懿文太子神并先師
各神祠歲牲品銀計千四百二十八金萬歷四十四年寺臣
桂有根以 孝陵三大祭五素祭俱改大祭增物加派將天




地壇外隙地開墾輸租供增祭之費今郊廟社稷山川之費
應照北舉請下禮部會議歲例增祭若干品用若干物價若
干附近派解章下所司
蘇州攻降臣項煜錢位坤宋學顯湯有慶燬其家煜竄入南
京預朝班又為檄自飾曰逆闖斗宵小器管蒯下材徒以狗
盜之謀偷城劫寨狐媚之技惑世誣民因而窺入國都遂至
腥羶殿闕弑我君父慘及后妃幽儲宮而繫二王墮太社而
燼九廟斯率土之奇痛乃皇天所亟誅又且狼貪日滋鱷噬
不擇屠勳貴屠縉紳屠士庶析楊纏索填塞街衢括巨萬括

百千括鎰銖筐篚駝騾送歸巢穴識者知為響馬行徑古人
所謂沐猴而冠故使京師人民罔不痛心刺骨重念大明德
澤爭思殺賊翻城即人心之不忘知天命之未改親賢茂建
統緒攸歸以太祖掃除胡羯之功固宜兼夏殷卜歷以累
朝惇尚忠厚之治實應有漢宋中興煜身出網羅志存匡復
附群公擁戴之末倡四海忠義之先敢告同仇共勦大業豪
杰才智之輩請揮戈仗策以從王閭闔耕鑿之夫宜戒子勉
弟以雪耻十七年恭儉仁明之主可無洒泣報仇十五國詩
書禮教之邦誰忍昧心從賊如或迷于邪說墮彼狡謀則以




職所聞斷然大謬彼其左右無智謀之士腹心皆潦倒之徒
黃巢氣盡于咸京董卓志終于郿塢將貪而悖即恐蕭牆師
老而驕已為弩末方當禦魯何暇窺南戎但脩戰守以自強
必可光恢復于千古芟紫色蠅聲之閏位掃赤眉銅馬之妖
氛事在勿疑時不可失皇明少詹事兼侍讀學士項煜謹撰
吳人揭攻之曰自署原官冠以皇明普天之下原無兩大何
故官銜忽加國號煜之胸中居然有二姓矣
大清攝政王命虛燕城之半駐滿洲兵盡逐漢人出城
己亥脩奉先殿

南和伯方一元納守備勅印
史可法言京糧故籍無存請省直各撫按造兵餉清冊送部
科存案并刻郵符又言蘇松常鎮屬舊巡撫專守下江其應
天安慶徽治寧國太平廣德新設撫專守上江如科臣左懋
第所請又自請督師江北增文武重臣經理招討從之
搃兵鄭鴻達鎮守九江黃蜚鎮守京口
史可法言昨午與諸臣高弘圖姜曰廣馬士英等恭承召諭
令臣等將用人守江設兵理餉各宜議定謹議新增文臣協
理戎政協理操江二新增武臣京口九江二已奉旨又沿江



如湖廣蘄黃南安荊襄湖南亦應增設二三員但駐札之地
難以懸定當行該督撫鎮從長議奏江北與賊接壤遂為衝
邊淮揚滁鳳泗廬六處設為四藩以靖南伯黃得功總良兵
劉良佐劉澤清分鎮之有四鎮不可無督師督師應駐揚州
遼中調度其四鎮設于淮海徐泗鳳壽滁和轄淮海者駐于
淮而山陽清河桃源宿遷海州沐陽贛榆益城安東邳州睢
寧隸之經理山東招討事轄徐泗者駐于泗而徐蕭碭山豐
沛泗盱眙五河虹靈壁宿蒙城亳懷遠隸之經理河北河南
開歸招討事轄鳳壽者駐壽州或駐臨淮而鳳陽臨淮穎上

穎壽太和定遠六安霍邱隸之經理河南汝寧招撫事轄滁
和者或駐滁或駐廬或馳池河而滁和全椒來安含山江浦
六合肥巢無為隸之經理各路援剿事各設監軍道一監紀
廳官一管餉廳官軍民皆歸統轄有司皆聽節制營衛舊兵
皆聽歸併整理各將皆聽具文督師薦舉題用荒蕪田地皆
聽開墾山澤有利皆聽開採仍各境內招商收稅以供軍前
買馬製器之用每鎮官兵三萬人歲本色米二十萬折色銀
四十萬合主客新舊折算總不越三萬之外或合練或分練
聽鎮臣酌行其體統則照山海經理各處提督行事所取中




原城邑即歸統轄寰宇恢復爵為上公世襲賊在河北則各鎮合力協防淮徐賊在河南則各鎮防守泗壽賊至河北河南併犯則各鎮嚴兵固守其鳳陽總兵應改副將一分兵護陵併于鳳壽其淮安漕鎮應裁不必全設而督師標下三萬人亦應給本折糧餉六十萬合之則歲支三百萬矣又鎮臣左良玉所統兵及撫標歲餉不下百萬江督楚撫各項三十萬晚撫二十萬江撫十萬加以新增都城陸兵江上水兵約歲支百三十萬總計六百餘萬及察歲入約米二百四五十萬約銀五六百萬除各兵支用外存亦無多望諸臣實為戰

守計禦于門廷之外貽堂奧之安則中興大業即在于此矣
監國並從之

庚子援剿總兵高杰奏蒙古分防瓜儀浦口江北抗拒不容乞賜睿斷安置家屬監國令回鎮聽督師酌行杰與劉澤清俱利揚州澤清兵財數百遂入掠瓜洲揚州知府馬鳴騷陸海道副使未行與推官湯來賀力阻高兵大恣殺掠


設遷曰瓜揚之禍雖蔓于高杰劉澤清實馬士英召之也
士英迎立以牙兵三千人南衛足矣名正言順留都寂聽何必盡挾諸將以張佐命之功哉不學無術釀禍早見于



此矣

南京詹事姜曰廣力辭閣銜改禮部左侍郎
起徐石麒南左都御史朱之臣太常卿左懋第太常少卿御
史郭維經為應天府丞
起故給事中章正宸楊時化袁愷莊釐獻熊開元姜採馬兆
羲故御史詹爾選李長春張煊鄭友玄李模喬可聘成勇李
曰輔俱廢籍各補原官又前巡按河南御史陳蓋滇人遺愛
雖陞福建右叅議准復原官頒詔雲貴加監軍銜召募土兵
五千人市水西戰馬二千匹並從吏部尚書張慎言之請

南京禮部右侍郎顧錫疇請 先帝后尊謚曰本朝代興之
際典禮具存揆之今日微有不合臣等痛念 大行皇帝剛
明勤儉備有令德一旦悲纏毫社慟深麥秀十七年敬天畏
民憂深慮遠之聖主含憤戢恨臣等何心尚存顏面今賴天
地社稷之靈國有君矣 殿下又勵志圖報此貞臣志士無
不荷戟而叱劍也大寶將新而 大行帝后乘龍鑄鼎之氣
震蕩流越即馨宇薦玉覺有痛無聲有哀無泪十六朝天子
寧堪見也宜亟命九卿科道會議早上尊謚俟釋服奉 主
入廟以妥先靈若坐需歲月拘守舊章恐怨恫之甚南望無



歸寃慘之極蒼官莫訴臣等迫切哀籲以聞 監國從之

江督監紀推官劉再瑛加南戶部員外郎

吳三桂至正陽門闕聖廟焚香各商求庇三桂曰爾等見把

駕王于是各商醵金幣謁英王王飲勞之自是歲以為常

辛丑南京吏科都給事中李沾為南太常少卿王庭梅為應

天府尹時吏部欲擬沾協理操江沾故善誠意伯劉孔昭畏

分其柄求吏可法乞今秩御史郭維經巡中城勤敏有聲進

應天府丞驟難其代故暫兼原治維經意快、為沾所嗾劾

尚書張慎言奸欺尋自悔引罪而沾憾慎言不已會議補金

壇王重文選主事以近京旦夕可至也沾又憾重言不可用

嘗受我贄四十金慎言曰僕起家三十年所贄止十二金近

或倍之公安得贄以四十金乎銓屬無人彼近地易劾若其

人廉否僕自有提衡雖吳昌時在不能溷也沾益銜之無所


發怒竟面詆左侍郎呂大器

張國維改南兵部尚書協理京營起解學龍南兵部左侍郎

張有譽補南戶部右侍郎總督倉場練國事改用許譽卿南

光祿卿

進封黃得靖南侯左良玉寧南侯各世襲錦衣正千戶封高



杰興平伯劉澤清東平伯劉良佐廣昌伯英馬進太子少保
世錦衣衛指揮僉事


夏允彝曰馬士英素以才望稱其濶大不羈或亦邊才之
選而用之政府則平甚矣初為王坤叅之謫戍周延儒再
召阮大鍼實以士英託之遂起為鳳督與大帥黃得功劉
良佐善曾一敗袁寇募其鄉黔兵為親兵頗能戰高杰之
南遁也士英厚待之劉澤清初至淮士英亦與通殷勤頗
自任德而歸怨于南樞史可法以為我因願公等來而史
公不喜也及擁立之舉馬遂聯絡二劉高黃為已助馬入

政府而四鎮皆開茅土馬入輔而史出鎮即國事敗壞之
始也

左良玉攻承天累日適張獻忠援至我兵大潰回漢川賊又
追賊敗我退屯鄭口


兗州義兵擒偽府尹高推官董汶上令李魚臺令尹
宗衡及防禦使劉濬

壬寅監國福王即皇帝位于武英殿靈璧侯湯國祚祭命
告天地撫寧侯朱國弼祭告太廟東寧伯焦夢熊祭告社稷
詔曰我國家受天鴻祐奕世滋昌保大定功重熙累洽自




高皇帝龍飛奠鼎而已卜無疆之歷矣朕嗣守藩服播遷江
淮群臣百姓共推繼序跋涉來迎請正位號予暫予監國攝
理萬幾乃累箋勸進拒辭勿獲猥以眇躬荷茲神器維我
大行皇帝英明振古勤儉造邦殫宵旰以經營希蕩平之績
效乃潢池盜弄鐘簷震驚燕畿掃地以蒙塵寵馭賓天而上
陟三靈共憤萬姓同仇朕涼德弗勝遺弓抱痛敢辭新膽之
瘁誓圖俘馘之功尚賴賢親僉力助勦助予敵愾其以明年
為弘光元年與民更始大赦天下所有合行事宜開列于後
云々嗚呼弘濟艱難用宣九伐平邦之政覃敷愷澤並開三

驅解網之仁新綍渙頒前徽益懋初監國赦諭山東河南賦
並免至是北直山西陝西免五年山東河南免三年江北湖
廣今年免十之五江西四川免十之三除遼餉等名年號擬
閣弘光武定入上祝天探丸後得弘光後尚書張慎言聞清
順治之號曰光字從火清治並從水恐水能克火也偽太
常寺丞項煜入朝為御史陳良弼所劾不許入京煜以而
司禮太監韓贊周盧九德提督京營戎政大臣等劾去之
旌雲南麗江土知府木增助餉之功赦其死罪仍封侯爵
史可法檄曰在昔元主中夏殆將百年惟 太祖一洗腥膻



使斯民再瞻日月凡有血氣誰不世沐國恩歷代耕桑久則
反忘帝力傳及先皇帝仁明繩武兢業緝熙踐阼而首剪
巨奸行政則心儀烈祖會國步厄逢陽九正遠事債于多
年更值歲荒回而盜起剽既難盡撫又不從于是不得已而
徵兵不得已而助餉原期厚集兵力一鼓蕩平暫累吾民再
還熙皞豈料天不厭亂賊乃日多民力竭于徵求國事壞于
貧弱先皇帝追維既往悔艾方深告天則躬可代牲祈穀
而泪嘗徧地遇災省過每累月不入寢宮蔬膳布袍無一念
敢忘民瘼其他求賢簡牧百千事美不勝書旰食宵衣十七

年過無可舉方冀天心厭亂干戈有寧謐之時無如臣子員
恩文武盡貪庸之輩及逆賊李自成郵傳傭奴市井猾賊髮
蓬如雉鼻折以火箭鏃貫睛每正冠則頭欲裂瘡癩徧體逢
陰雨則骨為糜偶乘殺運以射天遂肆凶鋒而犯闕偏我
帝后縱掠宮闈聚朝堂行酒而徧徵民婦國張市肆編冊
而盡括貨財尤可恨者為搜金而劫掠朝紳十四代之衣冠
廉隅掃地藉括銅而輪奸稚女百萬家之黎庶痛憤彌天民
則何辜乃罹此毒我先皇帝當命卒升遐之際龍髯已墜
猶然念我黎民以憂勤仁聖之君鳳輦罷脂遂弗庇其妻子



惜過天人怒共神人所以凶問南來百姓如喪考妣當此義
旂西指三軍不問室家人懷剪逆之心士奮同仇之氣昔少
康僅有一成終續夏王之緒光武不階尺壤猶燃漢鼎之灰
矧今率土拊膺比屋不忘踐土敷天左袒枕戈弗共戴天駕
暫蹕于南都軫立旋于北闕告廟而部撻伐部擁龍標推轂
而任專征營陳虎旅行且肅氛京國問罪偽都猶念人皆臣
子同三百年秦養之恩家悼君親共一萬河山之恨嗚呼國
仇可念誰甘後至而負恩私王命不移毋昧先幾以羞明哲
生見風霾之掃永觀歷數之歸

故御史汪承詔自言偽政府點用堅拒南奔

癸卯命兵部尚書兼東閣大學士馬士英兼禮部尚書直文
淵閣故事閣臣有入閣辦事之旨士英虛啣拉入朝日据政
府不出史可法知其不欲出鎮無如之何前故請督師

顧錫疇為南禮部尚書起黃道周南吏部右侍郎羅大任為

南祭酒


高倬為南工部右侍郎鄭瑄為南大理卿侯峒曾為南左通
政工部左侍郎何應瑞署戶部事左懋第為南右僉都御史

巡撫應天

國權

崇禎十八年

三十一




遣使頒詔後軍都督府都事朱兆宣往徽寧池太兵部都司
傅作耀往廬鳳淮揚左軍都督府都事申緒芳往蘇松常鎮
禮部司務張堦往浙江中軍都督府都事扶國祚往江西部
院監紀鄧登春往福建兵部守禦徐昭庶往湖廣雲貴守備
潘一明往四川中書舍人董觀吉往兩廣
設遷曰宋高宗登極赦文不傳河之東西陝之蒲解宗澤
謂是褫天下忠義之氣而自絕其民也李綱亦言登極新
恩獨遺河北及勤王之師無以勸忠義願因皇子生廣示
德意帝從之于是人情翕然金人圍守諸郡之兵往、引

去今燕晉亡論山東河南偽命雖馳寔多觀望亟發尺一
以示新德另勅招諭吏民則不忍相棄彼知江左有主迎
風恐後矣事與南宋初適合于是知宗澤李綱之為慮遠
也

提督漕運撫寧侯朱國弼以募兵二千自浦口渡江

偽威武將軍田曰恭以印勅招靖安伯黃得功搃兵高杰劉
尹盛大教場提督劉肇基小教場提督徐大受得功屯儀真
副搃兵馬得功執之以聞

甲辰田仰為南右副都御史巡撫淮揚兼理海防



許搃兵九江袁繼咸入朝

忻城伯趙之龍搃督京營

文武諸臣表賀登極閣臣在直失朝 上責鴻臚寺官不傳

乙巳 上祭先恭王于行宮


南通政使劉士楨以封事冗猥且闌入行宮前請申封駁叅治之令從之

賊奔清河口 巡按御史王燮搃兵邱磊焚賊船殆盡

南京四川道御史朱國昌言朝臣班制宜肅行宮延見宜分懸帶牙牌宜給難逃官員宜飭 上是之 逃難謂偽太常寺

丞項煜庶吉士吳爾壘等


南兵部郎中萬元吉言臣奉命撫師十一日至揚州兵民構禍臣再四勸諭始相安又水營副將張士儀報賊奔清河我兵燬賊舟殆盡若黃得功劉澤清高杰劉良佐李棲鳳張文昌等潛濟擊賊即中興第一功也初黃得功分鎮揚州劉澤清高杰並爭之忽掠得功至天長杰等欲拒之適甘肅搃兵李棲鳳防勦搃兵張文昌兵至人心洶々萬元吉移得功書期兵共王室得功答曰本非有他且並欲聯絡各鎮進兵殺賊元吉因馳示杰等少戢



設遷曰南極乍開羅熊失御諸將多敢戰深入之士降心
相從牙蠹輯睦北牧中原不煩餘力因扼懷衛據臨濟列
閫分成清甫入亦未及與我戰也諸將智不出此拔營
而南鼠鬪穴中雄長堂奧之內坐陷青豫淪為左袵而腥
風洊及江淮非我有矣易曰幾者動之微先幾一失萬事
為之瓦裂貴陽誤國之罪始于構兵終于賣降俱不可以
輕貸也

督師大學士史可法辭朝命諸大臣郊餞賜金幣給金二十
萬提督大教場都督同知劉肇基提督神机巡捕二營都督
僉事于永綬都督同知甘肅總兵李棲鳳河北總兵卜從善
湖廣援剿總兵金聲桓各兵數百從行諸生盧涇材等奏留
可法不允


高弘圖言南部歲本色米一百十七萬石有奇折色銀二十
三萬兩有奇備上供織造等項及營衛月糧每若不足今北
都淪陷省直解北錢糧皆應歸南若混淆無別將來南糧不
給必至那用北糧非久遠之計臣謹議五則曰上供各庫本
折各項及金花銀在北部原屬各司惟南直屬四川司北直
屬福建司今日錢糧江北江南非四川司所能辦合將蘇松



常鎮例歸四川司應天徽寧池太安慶廣德歸陝西司廬鳳
淮揚歸山西司曰省直漕糧北部屬雲南司頗稱繁苦今南
部雲南司復有原管運軍行月糧銀等項歸併益繁當擇人
委任完日紀錄加陞曰北部各司外設舊餉新餉二司以山
東山西司郎中兼管又新增練餉一司近裁三司改左右二
司令仍照左右司例擇委司官鑄給關防題差一年為滿曰
增北向銀庫曰各關稅照各部仍貴州司 上並從之
進馬士太子太保世錦衣衛指揮僉事太監盧九德命司英
禮監叙功

丙子馬士英言今日大計有四曰 聖母流離密諭高岱衛
迎曰追尊 皇考遷梓宮曰慎選淑女曰諸藩失國恐有奸
宄挾之不利社稷宜迎真京師
史可法薦貢士李蘧兵部主事何剛軍前監紀
叛將李成勳寇掠清河巡按王燮拒卻之
偽左制將軍董學禮為義兵執于宿遷至淮安巡撫路飛振
斬之

潞王常淂寓杭州奏討逆雪耻 上慰答之
丁未提督操江誠意伯劉孔昭言封疆失事之臣其罪豈在




欽定逆案下有旨失事各官今後不許朦奏起用
觀政進士劉世斗夏洪祐呂潛陳儒朴程源王質陶履卓賈
詔各省

王重為吏部文選郎中蕭士瑋為考功郎中倪嘉慶為文選
員外郎

免戶部增解制帛


戊申偽總兵白圭為權將軍郭陞之偽參將楊之藩陳守基
司建衡為游擊王樂吾偽贊禮將軍洪必聚偽典記賈有功
欲自宿遷渡河巡撫鳳陽路振飛遣兵擊走之述邳州

已酉前左春坊右庶子兼侍讀徐沂上當事書曰辨人才夫
知人之明不可學惟當以君國為衡今進一人焉勿但以其
同乎我也而當明其裨君國者何等退一人焉勿但以其異
乎我也而當明其言君國者何等倘馮意見之揆合為人才
進退亡論不能收君子之用抑且無以服小人心之流弊滋
衅不可勝言曰課職業今夫職業之不脩非盡其人之惰廢
也由近日以典幹經務為迂交游聲勢為美一行作吏日事
奔趨惟恃吹噓以成最績其悃惓無華專心辦治願躬莫及
剪拂無聞甚有歌頌編于窮簷姓名掛于彈墨人心安得不



日偷政事安得不日壞願柄國者抑兩及門之後進秉憲者
薦不識面之臺官推而司計詰戎建牙持斧專以職業課其
餘屬俾晝考夕省用志不分日敦寅恭自大臣不能初_和衷而
為之徒者左右分袒甚而陰陽兩端或曰借某以去某或曰
用某以制某夫人止此精神幹略耳元黃水火戰其中奔走
聯絡亂其外雖殊才異能奚暇幹濟國事哉迄于今牛李同
膺寇禍蜀朔並汚賊氛方當枕戈嘗胆何忍角立分爭必也
畛域對峙之意不存于胸懷名位相軋之嫌不形于念慮謀
論省者事功多于諸君子有厚望焉曰勵廉耻近來媚竈掃

門是何等事而互相矜詡故示喧闐甚者向火椒親呈身閣
寺忽而摩肩朝市掃臂冰山犬豕鬼蜮不足為喻故乃招搖
私黨籠絡名流一倡群和恬不知耻國家禍變職此之由詎
膝事仇又皆此輩凡汚授偽職蒙面全軀者宜如唐六等之
法分別定辜此奮勵士氣之一大机也曰覈名實如破格用
人必核確其人之可用勿使遠才易務有器小任重之虞增
餉練兵必確核其兵之堪戰勿使冒伍糜財有棘門灞上之
慮上書言事必確核其言之有濟勿使讒說震師無稽熒聽
有辨言亂政之憂推而至于察舉按劾蠲租省刑諸事無不



行以實心求其寔效曰納忠謹董允有參署盡言之告而諸
葛亮感其殷勤蘇軾爭差官置局之非司馬光終為霽納今
欲光贊新謨尤當廣收鯁諫夫法家拂士必以忠君愛國為
心虛已受規愈見討賊復仇之志藥言日進大業可期矣
揚州人殺進士鄭元勳時高杰分兵擊元勳詣杰約家口安
置城內兵城外郡人大噪殺元勳


庚戌 上御朝誠意伯劉孔昭約勳臣合詆吏部尚書張慎
言孔昭攻其專選文職略武臣所推罪輔吳姓及舊冢臣鄭
三俊為悖 先帝誠奸臣也靈璧侯湯國祚忻城伯趙之龍

言如之慎言立班不辨大學士高弘圖言張慎言立身自有
本末何至殿爭稍為條析且乞並罷 上曰文武俱大臣宜
和衷毋競蓋孔昭故善舊光祿卿阮大鍼而新詔除逆案計
典贖私不得輕議慎言前疏及又之度慎言清執不可回先
一日孔昭飲勳臣廷糾計去冢臣而後大鍼可出也明日慎
言乞休

命應天尹禱雨


命潞王于杭州擇廣署居之

辛亥劉孔昭言張慎言薦吳姓鄭三俊之罪又前告廟決策




阻難奸辨乞大奮乾斷收回吳姓陛見之命重處慎言高弘
圖奏慎言薦吳姓票擬出于臣冢臣鄭三俊清剛誠五朝人
望臣誠以為不可不用臣罪當不減慎言見今宸陛幾若訟
庭朝廷之尊、于李勉天子之貴、以叔孫臣目擊斯狀愧
死無地因面請罷斥事理當然姜曰廣亦引疾明日命鴻臚
卿徐一范並慰留弘圖曰廣乃出吳姓亦引疾不至
立勇衛營聽司禮太監韓贊周節制軍前都督府同知徐大
受領陸兵進鄭彩搃兵官領水兵太監李曰輔監督
姜曰廣請恭訪 大行皇帝梓宮及皇太子二王報可

高杰言今東南大勢守江北以保江南人、能言之然從曹
單渡則黃河無險自歸潁入則鳳泗可虞如曰長江天塹若
何而據上流若何而防海道豈止瓜洲儀真浦口采石為江
南之門戶也乎望省議論以免中掣假便宜以責寔效則中
興大業次第告功矣
偽淮徐防禦使武愷以勅契出京經宿遷偽官方允昌白邦
政董學禮等飲之數日借賊兵千人至沛縣傳檄徐州催冊
聲言提兵二十萬取淮揚諸道守徐副搃兵劉世昌高鎮副
搃兵李有成棄徐走淮安愷二十六日之任徐州限士民



郊迎貢士閔爾根手裂其檄大罵之憤執爾梅下獄不屈咏
曰死國非輕死、逆輕鴻毛敢與太山爭楚襄未必終三戶
夏復由來越一成日月有時經晦蝕乾朝坤何日不皇明寵
新豈是承天者空自將身買賊名悖怒獄之死
壬子魏國公徐弘基撫寧侯朱國弼安遠侯柳祚昌靈璧侯
湯國祚南和伯方一元誠意伯劉孔昭東寧伯焦夢熊成安
伯郭祚永各進官銜二級益歲祿五十石河北提兵卜從善
如之司禮太監韓贊周廬九德各廕錦衣衛指揮僉事
召高弘圖姜曰廣馬士英于行宮諭曰國家多故先生後勿

言去對曰臣等非敢輕去第用人事大臣之所可勲臣所否
是非淆亂臣何能在任 上曰用人行政朕所未嫻惟先生
言是從勿復疑也曰冢臣張慎言清正有品吏部以用人為
職如薦劉宗周黃道周使勲臣處之亦必藉重何獨以為罪
吳姓歷撫按有聲 先帝以清望簡拔雖督師稍緩致譴而
先帝殺周廷儒不殺姓即可知其人矣北京諸臣失節不可
用江南見存無幾又違勲臣之意將誰用乎若武選自有兵
部非吏部事也因言近習貪狀 上曰朕守藩時聞賄謁侯
相揖袖入之真可嗤也時召對先後無虛日踰月漸稀又踰




月嬖闈移之堂簾隔

癸丑命部戶覈省直今年練餉見徵者解部至明年全免
史可法至揚州調停高杰兵報吳三桂破賊宜濟餉十萬石
睢歸叅將丁啟光歸德知府桑開第合兵擒河南偽同知偽
陳膏商邱令賈士雋柘城令郭經邦鹿令邑孫澄定陵令許
承考城令范售夏邑令等并偽契俘向南京
甲寅命史可法祭告泗陵皇陵寧南侯左良玉祭告顯陵
南吏科都給事中李沾言勲臣憤激之因始中府聚議馬士
英移呂大器迎立皇上韓贊周劉孔昭無不允協明旦集

議大器縮禮兵二部印紆迴不至臣等以名帖延至日中不
決孔昭怒色臣與郭維經陳良弼周元泰朱國昌歷階而上
面折大器贊周命進筆因俛首就盟清晨迎駕大器欲待而
贊周登舟矣偕行則徐弘基陳良弼朱國昌也啟事屢登武
臣武爵未定所以有殿上之爭也


張慎言再乞免略曰臣按河南時曾劾左布政馮明盛倡逆
其子馮銓作相啖其門生曹欽程叅周宗建李應昇黃尊素
以及臣三臣皆死獄而臣戍肅州先帝召陞刑部侍郎以
擬獄失當閑住十餘年而復起今待罪銓曹遂為劉孔昭所



指止有一去而已吳牲鄭三俊閣臣薦于前科臣薦于後兩
人行已有耻臣能保之孔昭指為小人亦磔之小人非反
覆之小人也偽官至陽城臣子履旋投崖而死孤孫尚幻國
難家變慟無生理臣當與輜重為侶矣
刑部右侍郎賀世壽言今日更化善治莫若肅紀綱而慎刑
賞口稱報國河上擁兵恩數已盈功名不立人主輕此名器
矣至于草澤語難定繁有徒未見兵勇殺賊但見兵來虐民
小民不恨賊而恨兵甘心從逆不肖有司日刑剝其民而求
為保障必不可得也

乙卯叙吳三桂功封薊國公世襲馳賜坐蟒一紵絲八金二
百命戶部發銀五萬金米十萬石責成淮撫以沈廷揚海運
至天津其有功吏卒俟開列陞轉

丙辰馬士英言恢復有四因曰吳三桂宜即鼓厲接濟則搃
兵金聲桓可使因三桂款建使為兩虎之鬪主事馬紹愉當
陳新甲時曾使建昔之下策今之上策也曰江北諸將淮上
之師可收山東合吳三桂徐壽安慶之師可收楚豫合左良
玉如劉洪起蕭可訓沈萬登李際遇等皆可聯絡曰左良玉
如復荆襄則有窺秦之勢如駐武昌則自陽邏麻城固始潁



宿徐可與江北指顧相聯其副總兵盧光祖多籌略乞宣諭
與高劉諸鎮分信聯絡曰趙光遠補四川總兵不盡其用宜
改勅印授以招討經略陝西招集邊丁屬夷以塞蜀口復漢
中此外分東西川為兩撫擇人而任楚撫何騰蛟為川湖貴
鄭總督俾開白帝之路提荆襄之衝黔督可易撫也從之
陳子壯為南禮部尚書管紹寧為南詹事吳偉業為少詹事
陳盟為為右春坊右庶子楊廷麟補編修呂大器署吏部事
南京山西道御史朱壽圖言逆焰滔天由邪臣懦將玩法欺
蒙視之太易動曰區區小醜無足憂也屢值賊危可剿督師

以婦人之仁撫之攬權納賄今日請兵明日請餉明日陞撫
鎮明日陞監軍監紀為破甑完復強兵壯馬選占護身歲糜
餉數百萬縱兵殃民為毒慘極因是三十年全盛之金甌一
旦割裂臣仰天泣血日夜思維闖賊不過米脂縣快手早年
荒嘯聚漸至亡筭惡已貫盈天誅將及吳三桂左良玉黃得
功高杰劉澤清劉良佐等合力堵剿以立犄角之勢又督鎮
張天祿劉肇基卜從善屠師賢膽略儘堪策勵漢中總兵趙
光遠兵最精悍撫練有素我皇上勅官鼓舞懸以不次之
格聯絡三邊西域番賊士民明示大義悚動其心民以蠲免

